



13. august 2010

UKA 2010/54

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuu-na saqqummiuppara:

**Piniartut aalisartullu piffissap ilaanni inuuniarnikkut ajornartorsiulernerminni pisortanit ikiorserneqarsinnaanerisa pitsaanerulernissaat siunertaralugu sulisoqarnissaanik Naalakkersuisut peqquneqarnissaannik Inatsisartut aalajagiffigisassaattut siunnersut.**

(Inatsisartunut ilaasortaqaq Hans Aronsen, Inuit Ataqatigiit)

### **Tunngavilersuut:**

Ilaqutariit meeqqanik pilersugaqartut piffissap ilaanni inuuniarnikkut ajornartorsiuteqalersartut eqqarsaatigalugit oqallinnermi ilangullugit taaneqartarput ilaqutariit piniarnermik aalisarnermillu inuussutissarsiortumik pilersuisoqartut. Pisortanit ikiorsiissutit pillugit inatsisartut peqqussutaat nr. 14, 20. november 2006-imeersoq kingusinnerusukkut allanngortinneqartoq malillugu piniartut aalisartullu ikiorserneqarsinnaanerata ajornannginnerulersimagaluartoq suli ajornartorsiutitaqarpoq.

Pisortanik ikiorsiissutit pillugit inatsit nunami sulinermik inuussutissarsiutillit atugaat najoqqutari-nerullugit ilusilersugaammat, piniarnermik aalisarnermillu inuussutissarsiutilinnut inuuniarnermi ajornartoornermi pisortanit ikiorneqarnissamik saaffiginninnermi ajornartorsiutissiisarpoq.

Ikiorsiinnermi annertussusiliineq SIK-p pisortallu akornanni nunami sulisut isumaqatigiissutaat malillugit annertussusiligaapput, akiligassat aalajangersimasut suusanersut nunami aalajangersimam- sumik suliffeqartut akilersortagaat malillugit annertussusiligaallutik, aammalu nunami suliffeqaler- nissamat piareersimanissaannik piumasaqaatitaqarlutik.

Inuussutissarsiutigivillugu piniartut aalisartullumi ikiorserneqarnissamat piumasaqaatinik amerla- suutigut naammassinnissinnaasannigillat. Ukiariartorerani aammalu sikuusartumi sikuilernerani si- la ullorpassuarni angallavissaajunnaaraangat piniarnermik aalisarnermillu inuussutissarsiuteqartut inuuniarnerminni meeqqaminnullu pilersuiniarnerminni ajornartoorsinnaasarpur. Pisortaniillu i- kiorsiissutinik qinnuteqaraangamik nunami suliffeqalernissamat piareersimanissamat piumasaqaat naammassisinnaasannigilaat silagissippat aallaqgeriannaasaramik. Piniartummi aalisartullu silamik peqquteqartumik angalasinnaannginnerminni piniutigissartarput aammalu piniutitik nakkutigiu- anartarlugit. Taamaammallu nunami suliffinnut suliaratoriaannartut inissisimaneq ajorput, tamakkulu pissutigalugit pisariaqartitsivinnermi aammalu meeqqaminnut inuussutissamik pilersuiniarnerminni ikiorsiissutinik qinnuteqarnerminni ajornartorsiortinneqartarlutik.

Ikiorsiinnermi aamma piniartut aalisartullu nunami suliffilinnut sanilliullugit allaanerusunik aninga- sartuuteqartarnerat eqqarsaatigineqarneq ajorpoq, angalaqqilernermi orsussamat patroninut allanul- lu piniarnermi aalisarnermilu pisariaqartinneqartunut aningaasartuuteqartariaqarnerat eqqarsaatigi- neqaratilluunniit apeqqutaatinneqarneq ajorput.

---

UKA 2010/54

UPA 2010/20

UKA 2009/40

J.nr. 01.25.01/10EM-00054

Qupperneq - 1/2

Siunissami nunatta pissarititaannik pilersorneqarnissarput pisariaqartittuassagatsigu piniussisoqarnissarput aalisartoqarnissarpullu pisariaqartittuartaavarput, taamaammatt aamma ajornartuunermi pisortaniit ikiorserneqarsinnaanermut taakkununga nunami suliffilittuulli naleqqussakkanik periarfissinneqartariaqarput.

Tamanna pisariaqartoq erserseqqinneqarpoq meeqqat kaattut pillugit Qaasuitsup kommuniani innuttaasunik oqallitsitsinermi.

Taamatut oqaaseqarlunga neriutigaara siunnersuut pingaarutilittut isigisarput Inatsisartuni ilaasortanit ilassilluarneqassasoq.